



Cumün da Valsot

Protocol Radunanza cumünala dals 17.12.2012

- Tractandas:
1. Protocol
 2. Preventiv quint curraint 2013
 3. Preventiv quint d'investiziun 2013
 - fuond chasa da scoula Ramosch fr. 51'000.00
 - clucher Tschlin fr. 90'000.00
 - fermativa posta Seraplana fr. 200'000.00
 - ingluminaziun publica, Ramosch, Vnà e Seraplana fr. 129'000.00
 - reservuar Chasura fr. 100'000.00
 4. Energia Engiadina; fixaziun contribuziun al man public
 5. Elecziun dal president da la meglioraziun a Tschlin
 6. Quota da la vendita da terrain ed objects ad esters
 7. Fixaziun pè d'impostas 2013
 8. Varia
-

Preschaint: 65 Votantas e votants

S-chüsà: Jon Domenic Davaz

Scrutinadurs: Georg Janett ed Andrea Pua

Il capo salüda a tuot ils preschaints ed a sar Reto Vitalini da la ditta Energia Engiadina. El propuona a la radunanza da spostar la tractanda 4 per cha sar Vitalini nun haja da spettar cul referat a regard la cuntribuziun al man public.

1. Protocol

Il protocol da la radunanza cumünala dals 18.06.2012 vain preelet ed approvà unanim.

2. Energia Engiadina; fixaziun contribuziun al man public

Sar Reto Vitalini infuormescha a regard la contribuziun. Fin dal 2012 paja il cumün da Ramosch 1 rp/kw el cumün da Tschlin nöa. El ha suottamiss la proposta d'inoltrar üna contribuziun da 0.5 rp/kw a partir dal 2013. Pel cumün da Valsot resulta cun quai ün'entrada da ca. fr. 49'500.00. Quist import nun es collià culla gestiun d'energia. Sar Vitalini preschainta las cifras dals cumüns in Engiadina Bassa per far ün congual. Il capo ingrazcha a sar Vitalini per la preschentaziun. La radunanza cumünala decida cun 53 cunter 1 vusch per fixar la contribuziun al man public sün 0.5 rp/kw.

3. Preventiv quint curraint 2013

Victor Peer declera la situaziun, a regard l'elavuraziun dal prüm preventiv dal cumün da Valsot. Quista lavur es gnüda fatta tenor meglder savair e pudair saviond, chi nun es simpel ad eruir tuot las cifras. Las gestiuns aua, aua persa ed immundizchas nun as portan actualmaing, causa ch'impustüt las amortisaziuns chi resultan our dal quint curraint dals 2 cumüns dal 2012 sun incuntschaintas. Pro quistas posiziuns as stoja spettar il prüm on fusiunà per analizar eventualas consequenzas.

Il quint curraint prevezza sortidas da fr. 9'234'300.00 ed entradas da fr. 9'307'500.00 cun ün gudogn da fr. 73'200.00. Las amortisaziuns s'amuntan sün fr. 1'220'000.00. Il capo repassa tuot las posiziuns tenor lur funcziuns. La radunanza cumünala approva unanim il preventiv dal quint curraint 2013.

4. Preventiv quint d'investiziun 2013

Eir quia repassa il capo mincha posiziun tenor las funcziuns. Novas investiziuns sun il fuond da la chasa da scoula a Ramosch cun fr. 51'000.00, revisiun dal clucher a Tschlin fr. 91'000.00, fermativa da posta a Seraplana fr. 200'000.00, l'ingluminaziun publica a Ramosch, Vnà e Seraplana fr. 129'000.00 el reservuar a Chasura fr. 100'000.00. Il preventiv prevezza sortidas da fr. 2'959'000.00 ed entradas da fr. 4'952'000.00 cun ün suravanz da fr. 1'993'000.00. Il provedimaint d'aua dal cumün da Ramosch ha pudü gnir serrà gio, las contribuziuns chantunales e federalas nu sun però amo fluidas, tallas aintran pür aint il on 2013. Per finir preschainta il capo üna survista da las entradas e sortidas premissas dals singuls cumüns. La radunanza cumünala approva il quint d'investiziuns ed ils novs progets cun gronda majorità.

5. Elecziun dal president da la meglioraziun a Tschlin

Sar Benedict Denoth ha demischiunà sia piazza per surdar quista lavur pretensiusa a novas forzas giuvas. La cumischiun da meglioraziun ha proponü a la suprastanza cumünala da portar a sar Georg Häfner sco nouv president. La suprastanza cumünala suottametta la proposta a la radunanza cumünala. Sar Benedict Denoth piglia il pled e manzuna, che'l es stat 14 ons president. El ha fat quista lavur fich gugent e cun persvasiun. El nu dà gio causa disgusts. Tenor el esa ura da surdar a novas forzas il timun da la meglioraziun. Sar Benedict Denoth infuormescha eir, ch'üna buna colliaziun tanter la cumischiun da meglioraziun el cumün füss importanta, el fa perquai la proposta d'elegier il capo da Valsot illa cumischiun. Victor Peer piglia posiziun e manzuna cha quist'elecziun nun avarà lö hoz. Ün'elecziun dess esseguir tenor constituziun in scrit, oter sco cha la radunanza es perinctetta cun ün'elecziun averta. Ulteriuras candidaturas nun aintran, uschè cha la radunanza cumünala elegia in ün'elecziun averta a sar Georg Häfner sco nouv president da la cumischiun da meglioraziun a Tschlin. Sar Georg Häfner, chi'd es daspö il 2013 commember da la cumischiun, ingrazcha per si'elecziun. Pe finir ingrazcha il capo Victor Peer a sar Benedict Denoth per sia gronda lavur prestada a favur da la meglioraziun a Tschlin.

6. Quota da la vendita da terrain ed objects ad esters

La suprastanza cumünala propuona a la radunanza cumünala üna quota da 100%. Persunas da naziunalità estra chi piglian domicil in cumün, han cun quai la pussibilità da cumprar terrain ed objects. Duri Janett nu va daperüna culla proposta e propuona da spostar quista tractanda per far las güstas ponderaziuns. Chasper Cadonau ed eir Claudio Andy piglian posiziun che per consequenzas chi ha ün müdamaint da la quota. Clà Nogler manzuna, cha quista quota nun ha da chefar cul'iniziativa da las 2. abitaziuns. Quista quota sto gnir acconsentida minch'on da la radunanza cumünala, cun quai es il cumün da Valsot flexibel per reagir, schi's vezza ün trend in üna direcziun nò giavüschada. La radunanza cumünala decida cun 46 cunter 4 vuschs, da fixar la quota da terrain ed objects ad esters sün 100%.

7. Fixaziun pè d'impostas 2013

La radunanza cumünala decida unanim per il pè d'impstas da 95%.

8) Varia

Benedict Denoth manzuna la situaziun a regard la via da schlittra e'l fabricat a Puzins in conex cull plan general. El manaja cha 2 meglioraziun saran in avegnir plü fermas invers las instanzas chantunalas per realisar progets.

Duri Janett ingrazcha a Men Notegen per sia gronda lavur prestada d'ürant ils 11 ons ch'el es stat capo da Tschlin. Daspö l'on 1970 ha Men Notegen adüna gnü üna carica cumünala.

Il capo Victor Peer manzuna chi chi'd es gnü elet illa cumischiun d'agricultura ed illa cumischiun da turissem. El infuormescha a regard il fabricat da la nouv'administraziun cumünala. Implü orientescha'l sur dal andamaint dal proget dal s-chalin da forza a Martina (GKI). Previs es üna prestaziun da 414 milliuns kilowatt/uras produenziun. Pel cumün fluis ün'entrada da ca. fr. 500'000.00 a partir dal 2018. Il proget vegn a cuostar intuorn 500 milliuns francs. Ulteriuras infuormaziuns: Cuits ha lö ils 12.01.2013 a Ramosch.

Per finir ingrazcha il capo per la cumparsa e giavüscha a tuots üna bella saira.

7556 Ramosch, 19.12.2012



Il capo:
Victor Peer

L'actuar:
Georg Luzzi